

NAPLAN – informacije za roditelje i staratelje



2022

Zašto učenici rade NAPLAN?

NAPLAN je nacionalna provjera pismenosti i matematike koju učenici 3., 5., 7. i 9. razreda polažu u maju svake godine. To je jedino nacionalno ocjenjivanje kojem pristupaju svi australski učenici.

Kako učenici napreduju tokom školskih godina, važno je provjeriti koliko dobro su naučili osnovne vještine čitanja, pisanja i računanja.

NAPLAN ocjenjuje vještine pismenosti i matematike koje učenici uče kroz školski program i omogućava roditeljima/starateljima da vide kako njihovo dijete napreduje prema nacionalnim standardima i tokom vremena.

NAPLAN je samo jedan aspekt školskog procesa ocjenjivanja i izvještavanja. Ne zamjenjuje stalna ocjenjivanja nastavnika o radu i uspjehu učenika, ali može pružiti nastavnicima dodatne informacije o napretku učenika.

NAPLAN također pruža školama, obrazovnim vlastima i vladama informacije o tome kako funkcionišu obrazovni programi i da li mladi Australci postižu važne obrazovne rezultate u pismenosti i matematici.

Vaše dijete će raditi NAPLAN testove online

Škole prelaze sa ocjenjivanja testova na papiru na ocjenjivanje testova na kompjuteru. Većina škola će raditi NAPLAN testove online 2022. godine. Svi učenici trećeg razreda će i dalje raditi pismeni test na papiru.

Online NAPLAN testovi daju preciznije rezultate i zanimljiviji su za učenike. Jedna od glavnih prednosti je prilagođeno (ili adaptivno) testiranje, gdje test postavlja pitanja koja mogu biti lakša ili teža, ovisno o odgovorima učenika.

Prilagođeno testiranje omogućava ocjenjivanje šireg spektra sposobnosti učenika i preciznije mjerenje postignutog uspjeha učenika. Ukupan rezultat NAPLAN-a učenika zasniva se na broju i složenosti pitanja na koja tačno odgovore. Dijete ne treba biti zabrinuto ako mu pitanja budu teška; možda ulazi u složeniji put testiranja.

Šta ocjenjuje NAPLAN?

NAPLAN ocjenjuje vještine pismenosti i matematike koje učenici uče u svom redovnom školskom programu.

Učenici polažu testove iz pisanja, čitanja, jezičnih konvencija (pravopis - spelling, gramatika i interpunkcija) i računanja. Pitanja ocjenjuju sadržaje vezane uz australski nastavni plan i program: engleski i matematiku.

Sve vladine i nevladine obrazovne vlasti dale su svoj doprinos razvoju materijala NAPLAN testa.

Da saznate više o NAPLAN-u, posjetite nap.edu.au

Učestvovanje u NAPLAN-u

NAPLAN je za svakoga. ACARA podržava inkluzivno testiranje tako da svi učenici mogu učestvovati u nacionalnom programu ocjenjivanja.

Moguća su prilagođavanja za učenike s invaliditetom koji imaju različite funkcionalne sposobnosti i potrebe.

Škole trebaju raditi sa roditeljima/starateljima i učenicima kako bi identificirale, na bazi svakog pojedinačnog slučaja, razumna prilagođavanja koja su potrebna da bi pojedini učenici s invaliditetom pristupili NAPLAN-u. Prilagođavanja trebaju odražavati podršku koja se obično pruža za ocjenjivanje u učionici.

Da biste pomogli u donošenju ovih odluka, možete konsultirati [NAPLAN javnu demonstracijsku stranicu](#), [Vodič za škole koji pomaže učenicima s invaliditetom da pristupe NAPLAN-u](#), ili našu [seriju video zapisa](#) u kojima roditelji/staratelji, nastavnici i učenici iznose svoja iskustva o korištenju prilagođavanja NAPLAN-a.

U izuzetnim okolnostima, učeniku s invaliditetom koji ozbiljno ograničava njegovu sposobnost da učestvuje u ocjenjivanju, ili učeniku koji je nedavno stigao u Australiju i ne govori engleski, može se odobriti formalno izuzeće.

Direktor škole i lokalni organ za provođenje testiranja mogu vam dati više informacija o prilagođavanjima za učenike s invaliditetom ili procesu koji je potreban za dobivanje formalnog izuzeća.

Šta ako moje dijete izostane iz škole u dane NAPLAN-a?

Ako je to moguće, škole mogu organizirati da pojedini učenici koji su odsutni u vrijeme testiranja urade propuštene testove u neko drugo vrijeme tokom školskog rasporeda testiranja.

Šta mogu uraditi da pomognem svom djetetu?

Od učenika se ne očekuje da uče za NAPLAN.

Možete pružiti podršku svom djetetu tako što ćete ga uvjeriti da je NAPLAN dio školskog programa i podsjetiti ga da jednostavno da sve od sebe.

ACARA ne preporučuje pretjeranu pripremu za NAPLAN ili korištenje usluga podučavanja.

Određeno upoznavanje NAPLAN-a i objašnjenje korisno je da pomogne učenicima da shvate format testova i da se ne boje. Nastavnici će osigurati da učenici budu upoznati sa vrstama pitanja u testovima i pružit će im odgovarajuću podršku i smjernice.

Pogledajte vrste pitanja i alate koji su dostupni u online NAPLAN procjenama na nap.edu.au/online-assessment/public-demonstration-site

Raspored NAPLAN-a

Period NAPLAN online testiranja je devet dana. Ovo je zato da bi se pomoglo školama koje možda imaju manje uređaja.

Period NAPLAN online testiranja počinje u utorak 10. maja i završava u petak 20. maja 2022. Testovi se moraju zakazati što je prije moguće u okviru perioda testiranja, dajući prioritet prvoj sedmici.

Zahtjevi za zakazivanje online NAPLAN testova su detaljno navedeni u donjoj tabeli.

Test	Zahtjevi za planiranje	Trajanje	Opis testa
Pisanje	<ul style="list-style-type: none">Učenici trećeg razreda rade test pisanja na papiru (samo prvog dana)Pisanje 5. razreda mora početi prvog dana (škole moraju dati prioritet završetku pisanja samo 1. i 2. dana)Pisanje u 7. i 9. razredu mora početi drugog dana (škole moraju dati prioritet završetku pisanja samo 2. i 3. dana)	3. razred: 40 min. 5. razred: 42 min. 7. razred: 42 min. 9. razred: 42 min.	Učenicima se pruža 'stimulans u pisanju' (ponekad se to naziva 'podsticaj' – ideja ili tema) i od njih se traži da napišu odgovor u određenom žanru (narativno ili uvjerljivo pisanje)
Čitanje	<ul style="list-style-type: none">Da bi se osiguralo da su online škole u mogućnosti da završe NAPLAN testove u roku od devet dana testiranja, učenici 7. i 9. razreda mogu početi s čitanjem prvog dana; međutim, pisanje mora početi drugog danaPopuniti prije konvencija jezičnog testa	3. razred: 45 min. 5. razred: 50 min. 7. razred: 65 min. 9. razred: 65 min.	Učenici čitaju niz informativnih, maštovitih i uvjerljivih tekstova, a zatim odgovaraju na pitanja vezana uz njih
Jezične konvencije	<ul style="list-style-type: none">Radi se nakon testa čitanja	3 razred: 45 min. 5 razred: 45 min. 7 razred: 45 min. 9 razred: 45 min.	Ocjenjuje pravopis (spelovanje), gramatiku i interpunkciju
Matematika	<ul style="list-style-type: none">Radi se nakon testa jezičnih konvencija	3 razred: 45 min. 5 razred: 50 min. 7 razred: 65 min. 9 razred: 65 min.	Ocjenjuje broj i algebru, mjerenje i geometriju, te statistiku i vjerovatnoću

Kako se izvještava uspjeh mog djeteta?

Individualni učinak učenika se prikazuje na nacionalnoj skali postignuća za svako ocjenjivanje. Rezultat na nacionalnom minimalnom standardu pokazuje da je učenik pokazao osnovnu pismenost i matematičko znanje potrebno za potpuno učešće na nivou tog razreda.

Škola će dostaviti pojedinačni NAPLAN izvještaj učenika kasnije te godine. Ako ne dobijete izvještaj, obratite se školi svog djeteta.

Kako se koriste NAPLAN rezultati?

- Učenici i roditelji/staratelji mogu koristiti pojedinačne rezultate da razgovaraju o napretku sa nastavnicima.
- Nastavnici koriste rezultate kako bi pomogli u identifikaciji učenika kojima su potrebni veći izazovi ili dodatna podrška.
- Škole koriste rezultate da utvrde u čemu su dobri kao i područja gdje su potrebna poboljšanje nastavnih programa i da odrede ciljeve u pismenosti i matematici.
- Školski sistemi koriste rezultate za preispitivanje programa i podršku koja se nudi školama.
- Ostali mogu vidjeti informacije o uspjehu škola kasnije na myschool.edu.au

Gdje mogu dobiti više informacija?

Za više informacija o NAPLAN-u:

- kontaktirajte školu svog djeteta
- kontaktirajte lokalni organ za provođenje testiranja na nap.edu.au/TAA
- posjetite nap.edu.au

Da saznate kako ACARA postupa s ličnim podacima za NAPLAN, posjetite nap.edu.au/naplan/privacy